

五
種
遺
規

在官法戒錄卷之四

桂林陳宏謀榕門編輯

崑山葛正笏摺書

同訂

長洲張鳳孫少儀

臨川李安民書臣叅校

戒錄

張湯杜陵人。父為縣吏。湯為兒時。守舍鼠盜肉。湯掘得鼠。掠治訊鞫。取鼠磔堂下。父視其文辭。獄所作如老獄吏大驚。遂使書獄。父死後。湯為長安吏。遷太中大夫。與趙禹共定律令。務在深文。為廷尉。治獄必舞文巧詆。深刻更多。為爪牙用。湯始為小吏。乾沒。利取他人也。與長安富賈交私。及列九卿。陽收接天下名士。

巧排大臣。自以為功。為御史大夫。七年有罪自殺。漢

張湯為酷吏之首。其深刻殘猛。自兒時已然。雖若

出於天性。要因其父生平作吏。務以刀筆為事。湯

耳濡目染。不覺習慣成自然也。陳鼠之舉。已見後

來殘酷之端。父不聞有義方之訓。反使書獄以寵

異之。遂致舞文巧譏。卒殺其身而不悔也。

趙禹音繫人也。以佐史補中都官。用廉為令史。公府屬吏

事太尉周亞夫。亞夫為丞相。禹為丞相史。府中皆稱

其廉平。然亞夫弗任。曰。極知禹無害。然文深。用文法深刻

不可以居大府。武帝時。以刀筆吏積勞。遷為御史。至

中大夫。與張湯論定律令。作見知。知而不告。吏傳相監司

互相以法盡自此始。禹為人廉倨。為吏以來。舍無食

客。公卿相造請禹。終不行報謝。務在絕知友賓客之

請孤立行一意而已。見法輒取。亦不覆案求官屬陰罪。嘗中廢。已為廷尉。始條侯即亞以禹賊深及禹為少府九卿。治加緩名為平。以老徙為燕相。有罪免。上同禹為丞相史。府中既稱其廉平。獨周亞夫謂文深不可任。真至言也。觀其歷躋通顯。秩非不尊。而與張湯輩論定法律。為嚴刑之始。卒以罪免。亦為法自斃之報也。

嚴延年字次卿。東海下邳人。其父為丞相掾。延年少學法律。為郡吏。補御史掾。舉侍御史。為涿郡太守。所誅殺甚衆。郡中震恐。三歲遷河南太守。其治陰鷙酷烈。曲法深文。冬月。傳屬縣囚。會論府上。流血數里。河南號曰屠伯。左馮翊缺。上欲徵延年。符已發。為其名酷。復止。後以府丞義。上書奏延年罪名十事。下御史

丞按驗坐怨望誅謗政治不道棄市。初延年母從東海來。到雒陽。適見報囚。因決大驚。因數責延年曰。幸得備郡守。專治千里。不聞仁愛教化。有以全安愚民。顧乘刑罰多殺人。以立威。天道神明。人不可獨殺。我不意當老見壯子被刑戮也。行矣。去汝東歸。埽除墓地耳。遂去歸郡。後歲餘果敗。同上

殘酷性成。真與業屠者無異。一死不足以快天下之心。獨惜其母賢智若此。而不能化誨其子也。傷哉。

陳萬年字幼公。沛郡相人。為郡吏。察舉至縣令。遷廣陵太守。入為右扶風。遷太僕。萬年廉平。內行修然。善事人。賂遺外戚許史。傾家自盡。以丙吉薦為御史大夫。

太子咸字子康。以任為郎。有異材。抗直數言事。判讞
近臣。萬年嘗病。召咸教戒於牀下。語至夜半。咸睡。頭
觸屏風。萬年大怒。欲杖之。咸叩頭謝曰。具曉所言。大
要教咸調論也。萬年廼不復言。同上

萬年自郎吏以至九卿。皆以誦說得之。雖富貴終
身。雖親親。實甚。尚欲以衣鉢傳授其子。真不知人間
有羞耻事者矣。得志一衣鉢。傳授其子。真不知人間
恥笑萬世。自婦者不為也。

王溫舒。陽陵人。少時椎埋。掘塚。為姦已而為吏。以治

獄。至廷尉。舉張湯。遷為御史。督盜賊。殺傷甚多。稍
遷至廣平都尉。擇豪吏十餘人為爪牙。皆把其陰重
罪。縱使督盜賊。快其意。所欲得。遷河內。捕郡中豪猾。
相連坐千餘家。上書讀大者。至族。小者乃死。家盡沒

入償贓。溫舒具私馬五十疋為驛。自河內至長安奏行。不過二日。得可論報。流血十餘里。其好殺行威如此。張湯敗後。徙為廷尉。復為中尉。溫舒多諂善事有勢者。即無勢視之如奴。有勢家雖有姦如山。弗犯。無勢雖貴戚必侵辱。舞文巧請所窮治。大抵皆靡爛獄中無出者。其爪牙吏虎而冠。多以權富貴。後有人告溫舒受負騎錢。及他姦利事。罪至族。自殺。其時兩弟及兩姪家亦各自坐他罪而族。光祿勳徐自為曰。悲哉。古有三族。而王溫舒罪。豈同時而五族乎。溫舒死家累千金。上同。

溫舒本無姦慝刻之人。又復為吏以事張湯得此。其慘刻之技。假人至。而中陰里。為自古所傳。

有。其身死家滅。且同時五族。獲報之慘。亦自古所
未有也。慘刻之人。豈可一日在公門。以肆其毒耶。
尹齊東郡在平人。以刀筆吏。稍遷至御史。事張湯。督
盜賊。以斬伐為治。為淮陽尉。誅滅甚多。及死仇家欲
燒其尸。上同

在公門中。縱不能有恩惠于人。且勿結仇怨于
人。尹齊死後。至不能保其尸。怨毒之于人甚矣。

咸音減宣揚人。以佐史給事河東守。稍遷至御史及丞。

治淮南反獄。所以徵文深詆殺者甚衆。後為右扶風。

捕吏上林中。射中苑門。宣下吏坐大逆。當族。自殺。上同

捕吏。公事也。射中苑門。無心之過也。情輕法重。至
坐大逆之罪。蓋緣生平好為深文。每將公事中。偶
然過誤。輒成纖微。故
天亦以此報之耳。

趙繡。涿郡蠡吾人。為掾吏。涿大姓高氏。賓客為盜賊。

吏不敢追。太守嚴延年遣繡按高氏。得其死罪。繡見延年新將。心內懼。即為兩劾。欲先白其輕者。觀延年意。怒乃出其重劾。延年知其如此。索繡懷中得重劾。即收送獄殺之。同上

事無兩可。法有一定。只須依理持平。自可立身無過。吏人引律查例。性性心懷觀望。陰持兩端。不明道理。昧却良心。故繡本欲避禍。反以觸禍。可鑒也。

陳遵字孟公。杜陵人。少為京兆史。日出醉歸。曹事數廢。大司徒馬宮謂為大度士。不以小文責之。舉為令。後以擊賊有功。封嘉威侯。居長安中。每大飲。賓客滿堂。輒關門。取客車轄投井中。雖有急不得去。遵容貌甚偉。畧涉傳記。瞻於文辭。性善書。請求不敢逆。所到

衣冠懷之。唯恐在後。起為河南太守。久之。復為九江

及河內都尉。凡三為二千石。更始至長安。遵為大司

馬護軍。使匈奴還。留朔方。為賊所敗。時醉見殺。同上

遵為吏時。以酒廢事。既貴不改。卒以醉見殺。其家

後之才。意可惜也。既於趙藥者。當知所儆惕矣。

王立。池陽人。為獄掾。縣令舉立。廉吏。府未及召。太守

薛宣聞立受囚家錢。責縣案驗。乃其妻獨受繫者錢

萬六千。受之。再宿。立實不知。慙恐自殺。同上

獄掾之妻。亦有受賄之事。足見獄中人。號呼望救。

其真廉也可知。為吏者不但檢束自己。

并須防閑家人。共知法守。乃免於刑禍。

韓安國為梁中大夫。坐法抵罪。獄吏田甲困辱之。安

國曰。死。不復燃乎。田曰。燃即溺之。後安國為內史。

王官去戈錄 卷之四 戒錄 五

田亡匿韓曰田不就官我滅爾宗田肉袒謝卒善遇之

遇人在患難中即使死反無復燃之日亦當加惠存恤况原仲何定始因終享不可勝數奈何止知目前可逞不復留人餘地耶幸是大量人不計舊怨反善遇之然相形之下益覺前日之小人情狀無地自容矣

周紆為南行唐長到官諭吏人曰朝廷不以長不肖使牧黎民而性讐猾吏志除豪賊且勿相試遂殺縣中尤無狀者數十人吏人大震

吏所以佐官理民者也。不相倚而相決為其猾耳。人性皆善而猾吏方日趨於惡。猾吏不除。民生不安。故人人側目。非殺之無以彰公道而快人心。不然吏亦赤子也。何至於此。思之思之。

王恠廣漢人仕郡功曹州治中從事舉茂才除郿令

到官至榮亭亭有鬼數殺過客。忱入亭止宿。夜中聞有女子稱冤之聲。忱咒曰。有何枉狀。可前求理乎。女子曰。無衣不敢進。忱便投衣與之。女子乃前訴曰。妾夫為涪令之官。過宿此亭。亭長無狀。枉殺妾家十餘口。埋在樓下。悉盜取財貨。忱問亭長姓名。女子曰。即令門下游徼者也。忱曰。汝何故數殺過客。對曰。妾不敢白。日自訴。每夜陳冤。客輒眠。不見應。不勝感恚。故殺之。忱曰。當為汝理此冤。勿復殺良善也。因解衣於地。忽然不見。明日召游徼詰問。具服罪。即收繫。及同謀十餘人。悉伏辜。遣吏送其喪歸鄉里。於是亭遂清安。同上

此亭長殺一家十餘口。却取財貨。慘毒極矣。彼方謂其跡已滅。豈知然鬼為厲。必使之成其辜。而後已也。身其在公門。所為搜財害人之事。以為必不使敗。而其後卒至破敗。無能解脫者。其相報之巧。往往如許。可畏哉。

黃蓋為吳石城長。石城吏特難檢御。蓋至為置兩掾。分主諸曹。教曰。令長不德。徒以武功得官。不諳文吏事。今寇未平。多軍務。一切文書。悉付兩掾。其為檢攝諸曹。糾摘謬誤。若有姦欺者。終不以鞭朴相加。教下。初皆怖懼。恭職久之。吏以蓋不治文書。頗懈肆。蓋微省之。得兩掾不法各數事。乃悉召諸掾。出數事詰問之。兩掾叩頭謝。蓋曰。吾業有勅。終不以鞭杖相加。不敢欺也。竟殺之。諸掾自是股栗。一縣肅清。

長以誠教。而採以詐應。殊負一
番委任之意。此所以見殺也。

征東將軍胡質。以忠清著稱。子威亦勵志尚質。為
州刺史。威自京師定省。家貧無車馬僮僕。自驅驢單
行。既至十餘日。告歸。質賜絹一匹為裝。威受之。去帳
下都督軍吏先威未發。請假還家。陰資裝於百里外。要
威為伴。每事佐助。行數百里。威疑而誘問之。既知乃
取父所賜絹。與都督謝而遣之。後因他信。以白質。質
杖都督一百。除吏名。晉書

吏胥於官之親戚子弟。無不竭力趨奉者。無非依
附聲勢。以為進利之計耳。胡君清忠勵節。軍吏無
隙可乘。及其子還家。乃先期請假。候之百里之外。
賜為結伴。陰助其費。可謂巧於逢迎矣。豈知其父
子清操如一。不惟不得其情。反以自取其辱。為
吏而交結。內倚。歟。媚左右者。均當以此為戒。
上卷六十五 日戒錄 七

元嘉中。南康平固人黃苗為州吏。受假違期。行經宮
亭湖。廟禱於神。希免罰坐。還家。當上豬酒。苗至州。皆
得如志。還竟。不過廟。行至都界。中夜。船忽自下。至宮
亭湖。有烏衣三人。持繩收縛苗。詣廟階下。神遣吏送
苗山林中。鎖腰繫樹。但覺寒熱。舉體生斑。毛爪牙化
為虎形。性欲搏噬。歷五年。神乃放還。以鹽飯食之。體
毛稍落。經十五日。還如人形。後八年。得時疾死。述異
衡門人誑騙是其慣技。然於無日無之。故其現神
亦以為可誑者矣。以人化虎。事雖不經。然作吏者
平日弱肉強食。吞噬良民。其心已與虎狼無異。
戾氣所感。形質隨之。而化此理之無足怪者。非
隋大業中。有京兆獄卒酷暴諸囚。囚不堪其苦。而獄
卒以為戲樂。後生一子。顙下肩上有若肉枷。無頸。後

歲不能行而死地吉

以獄因為戲樂之具可謂別有肺腸殘忍成性理已絕所生之子形貌不全有同怪結理也非怪也。不知其心亦當感然一動否。

義寧中豫章郡吏易拔還家不返郡遣吏追拔。應拔言語如常。亦為設食。使者迫令束裝。拔因語曰。汝看

我面。乃見眼目角張。身有黃斑。徑出門去。一至山麓

即便成三足虎。豎一足。即成其尾。

異苑

黃帝化虎。尚後人形。於五年之後。此則永為異類矣。要皆其平時積惡害人之所致也。世之蟻吏者。每曰虎而冠。虎而翼。言其貪殘之性。有似乎虎也。觀此兩事。即更即虎。非持如之而已。為吏者其猛省於人獸之關乎。

主書滑渙。少司中書簿籍。與內官典樞密劉光琦相

不... 卷四... 十一

倚為姦每宰相議事與光琦異同者令渙往請必得

四方書幣貨貨充集其門弟泳官至刺史及鄭餘慶

為相與同僚集議渙指陳是非餘慶怒叱之未幾罷

為太子賓客其年八月渙賊汚發賜死日知錄

渙以中書吏交結內官納賄招權傾動朝野參預

國政目無公卿餘慶叱之而即罷退是宰相皆為

勢所掣縱矣乃不旋踵而賊發見誅平生

湯銖者為中書小胥其所掌謂之孔目房宰相遇他

暇有內狀出即召銖至延英門付之送知印宰相由

是稍以機權自張廣納財賄韋處厚為相惡之謂曰

此是半裝滑渙矣乃以事逐之同上

滑渙之惡已極故罪至於死湯銖之雖亦張故罷止於逐由前而觀則為湯銖者誠不如滑渙之

之重。由後而觀。則為滑渙者。又不如湯鉢得禍之輕也。然湯鉢當日。方酷慕滑渙之所為。苟非彼遜不至於湯鉢之勢盛。而禍烈焉不止。噫。世間貪取犯法之吏。後先相望。不惟不以為鑒。反從而做做之。殆不可解。

劉自然。泰州人。天祐中為吏。管義軍案。因連帥李繼宗點鄉兵。捍蜀城。紀縣百姓黃知感。名在籍中。自然聞其妻有美髮。欲之。誘知感曰。能致妻髮。即免是役。知感歸。語其妻。妻曰。我以弱質。託於君。髮有再生。太死永訣矣。君若南征不返。我有美髮。何為言訖。剪之。知感深懷痛慰。既迫於差點。遂獻於劉。而知感竟不免徭戍。尋歿於陣。是歲自然亦亡。後黃家驢產一駒。左脇下有字云。劉自然。邑人傳之。達於郡守。郡守召

自然妻子識認其子曰某父平生好飲酒食肉若能飽啖即父也驢遂飲酒數升啖肉數臠食畢奮迅長鳴淚下數行劉子請備百千贖之黃妻不納日加鞭撻後經喪亂不知所終劉子亦慙憾而死地吉

假公事而託人之妻即使能為出籍亦未必不遭陰譴也髮猶如此况詐取財物至今賣男鬻女者哉世俗言及惡報輒曰變驢變狗不

必實有其事也怨毒之必報理自如此
潘逢為吏有民因罪而法未合死潘曲殺之後見形為祟他人即不見惟聞語聲云陰中論爾須去對之潘召人禁呪厭効不能除每日同飲食行坐惟不入國門潘問之何不入其門曰我是鬼門神不與人潘曰爾是官殺何相執不能取我命空朝夕繫綴何也

鬼曰。爾不上文字。官馬能殺我。蓋緣爾命未盡。是以

隨之耳。

錄。應。

吏之務為深刻者。勅云尚有官府作主。與已無干。豈知一字輕重之間。伯仁由我而死。怨氣必不能銷也。下筆時安可不慎。

衢州一里胥督促民家租賦。民家貧無以備殮。祇有哺雞一隻。擬烹之。里胥恍惚間。見桑下有著黃衣女子。前拜乞命。云不忍兒子未見日光。里胥驚惻。回至屋頭。見一雞哺數子。其家將縛之。意疑之不許殺。遂去。後再來。其雞已抱出一群子。見里胥向前踴躍。有似相感之狀。里胥行數百步。遇一虎跳躑漸近。忽一雞飛去。撲其虎眼里。胥奔馳得免。至暮從別路。仍至

其家已不見雞。問之云：朝來西飛去，無蹤里胥具說見虎之事。遂往尋之。其雞已斃於草間，羽毛零落。自後一邨少有食雞子者。同上

椰子厚有云：悍吏之來吾鄉，呼之趨比比皆是。天使南北雞犬不得寧焉。追呼之擾比比皆是。天使一雞巧示報應。欲需索者。惻然動心。洒然變志耳。

郎吏馮球家最富。為妻買一玉釵，奇巧直七十萬錢。先是相國王涯之女請買此釵。王曰：我一月俸金即有此，豈於爾惜之？但一釵七十萬，妖物也，必與禍相隨。女不復敢言。數月，王知前釵為馮球所買，歎曰：郎吏而妻首飾如此，其可久乎？後未浹旬，馮為蒼頭鵠死。卒符王涯所料云。錄地吉

宰相之女。嫌其貴而不買之。釵郎吏之妻。買之。若不費力。非其家貲厚薄不同。一惜福。一折福耳。世之以胥吏致家富饒者。其什物川流。色色美麗。多在官司之上。猶且誇耀鄉里。賣弄豪華。妻妾之皆其速亡之兆也。果有餘貲。何不一周給窮戚施濟鄉里。為窮人所不能做者。做一二件。庶幾免於悖出之患。

陸元方子象先為河東按察使。小吏有罪。誠遣之。大吏白爭以為可杖。象先曰。人情大抵不相遠。謂彼不曉吾言耶。必責者當以汝為始。大吏慙退。嘗言天下本無事。庸人擾之為煩耳。第澄其源。何憂不簡耶。唐共事公門。朝夕相對。有朋友之誼。即當有體恤之情。小吏有罪。大吏不能勸諭於前。有罪方當為之。今過乃爭白於官。以為可杖。此中實不可問。陸公公恕之論。可使誣陷同類之猾吏愧死矣。李日知為刑部尚書。不行捶撻而事集。有令史受勅。

三日忘不行。日知怒欲捶之。既而曰。人謂汝能撩李日知。嗔受李日知杖。不得以為人。遂釋之。吏皆感悅。無敢犯者。臣等錄

官之於吏。原以相資集事者也。吏有小過。不加鞭撻。所以養吏之廉恥。亦正見官之公恕也。為吏者因此生感。生奮。豈非有所私厚於已。而陰以為利。不玩視之。甚或以為有所私厚於已。而陰以為利。不但負恩。實為自棄。得禍豈淺鮮哉。

唐有一吏貸軍吏吳宗嗣錢二十萬。宗還逾年。宗嗣

忽見此吏衣白來。潛入廐中。俄而馬生白駒。問其家

吏正以是日死也。駒長賣之。適今所欠之數。籍丹桂

貸錢不還。或山力不能償。未必有心圖賴也。尚為馬以償之。可見人之財帛。不容妄取。取之生前。必使償之身後。冥冥中不啻有持籌而握算者。若為吏而倚勢欺公。非理橫索。較之貸錢不還者。喪心

尤甚。業報
更當何如。

包孝肅公之尹京也。初視事。吏抱文書以伺者盈庭。公徐命閤府門令吏列坐階下。枚數之。以次進。取所持案牘徧閱之。既閱。即遣出。數十人後。或雜積年舊牘其間。詰問辭窮。蓋公素有嚴明之聲。吏用此以試。且困公。公恚峻治之。無所貸。自是吏莫敢弄以事。文書益簡矣。天府雖稱浩穰。然事之所以繁者。亦多吏所為。本朝稱治天府。以孝肅為最者。得省事之要故也。

却掃編

吏胥狡獪之技。歷來如此。然畢竟有何用處。徒自取罪戾而已。

張詠在崇陽。一吏自庫中出。視其髣髴。有一錢。詰之。

乃庫中錢也。詠命杖之。吏勃然曰。一錢何足道。乃杖我耶。爾能杖我。不能斬我也。詠筆判云。一日一錢。十日千錢。繩鋸木斷。水滴石穿。自仗劍下階。斬其首。中府自飭。崇陽人至今稱之。宋史

吏胥稍知律例。每以數未滿。貫罪不至死。肆志為之。不復顧忌。不知飲啄前定。點水難消。且貪壑無厭。積少成多。放利多怨。偶一發覺。刑禍竟不可測。此即繩鋸木斷。水滴石穿之意也。

包孝肅尹京。號為明察。有編民犯法。當杖脊。吏受賕與之約曰。今見尹。必付我責狀。汝第呼號自辯。我與汝分此罪。汝決杖。我亦決杖。既而包引囚問罪。果付吏責狀。囚如吏言。今辯不已。吏大聲訶之曰。但受脊杖出去。何用多言。包謂其市權。捽吏於庭。殺之七十。

特寬囚罪止從杖坐以抑吏勢不知乃為所賣卒如

素約小人為姦固難防也

夢溪筆談

此計誠巧。但以捶楚而易錢財。細思終不直得。衙門中竟有以代杖為業者。傷父母遺體。博酒食醉飽之樂。下愚不為。奈何反以為得計也。

吉水猾吏於令始至輒誘民數百訟庭下設變詐以動令。如此數日令厭事則事常在吏矣。葛源攝令事立訟者兩廡下取其狀視有如吏所為者使自書所訟不能書者吏受之。往往不能如狀窮之輒曰。我不知為此。乃某吏教我為也。悉捕劾致之法訟故以

少

斷獄

為官者方慮事多為吏者惟患事少。事少則官不能欺。難於弄權也。此種慣弊至今人共見聞矣。雖

極狡詐。究何益哉。

宋初吏人皆士大夫子弟不能自立者悉耻為之。犯

罪許用蔭贖。

祖父作官。曾有恩蔭者。子孫為吏犯罪。准折贖也。

吏有所恃。敢

於為奸。天聖間。吏毋士安犯罪。用祖令孫蔭。詔特決

之。仍詔今後吏人犯罪。並不用蔭。又詔吏人投募。責

狀在身。無蔭贖。方聽入役。苟吏可用蔭。則是仕宦不

如為吏也。誘不肖子弟為惡。莫此為甚。禁之誠急務

也。燕翼貽謀錄

祖宗之蔭。不能庇不肖之子孫。吏有出身名家者。當勢力自愛。毋重辱其先也。

皇祐中。趙及判流內銓。始置闕亭。凡有州郡申到闕

即時榜出。以防賣闕。部吏每遇申到。匿而不告。州郡

丁憂事故。有申部數年。而部中不曾榜示者。吏人公然評價。長貳郎官為小官時。皆嘗由之。亦不暇問。太宗皇帝曰。倖門如鼠穴。不可不塞也。遂嚴禁之。同上

賣缺之弊。自昔有之。當細紀肅清。自無所施其伎倆。凡起文出結。惟宜秉公速辦。以成人之功。名不得勒。精錢財。高下其手也。

中書五房吏。操例在手。惟顧金錢。去取任意。所欲與即檢行之。所不欲。或匿例不見。韓魏公為相。令刪取五房例。及刑房斷例。除其冗謬。不可用者。為綱目類次之。封謄謹掌。每用例。必自閱。自是人始知賞罰可否。一出宰相。五房吏不得高下其間。智囊

多立條例。原以防吏胥之奸。不知例愈多。而用例愈巧。益佐其奸耳。此種伎倆。千古一轍。故韓魏公

釐定章程。而吏不能任情高下。孰謂清官難出俗吏手也。為官者固不可不知。而吏亦當深以為戒。

宋時經畧府承差某奉檄辦公。止於驛舍。怒驛卒服事不恭。及去。以飼馬殘草投於井中。謂已無再過之期矣。未幾復奉差過此。時天暑渴甚。臨井汲飲。昔日殘草在內。不及細視。噎喉氣塞而死。配命

官司差人。狐假虎威。到處肆橫。以為排場。應如此。豈知顯報。即在前耶。可異者。驛卒原無加害之心。而承差自作自受。何相報之巧也。

寇萊公為樞密院王旦在中書吏倒用印。寇公即行懲責。後樞密吏亦倒用印。中書吏人亦欲王懲責。以報前怨。王公問衆吏曰。汝等且說他當初責爾等是否。衆吏曰。不是。公曰。既不是。豈可學他不是。陳鑑王

文同為御史。每入院。陳或後至。王輒命鳴鼓集諸道御史升揖。諸道與堂吏皆不服。一日陳免至堂。吏請擊鼓。陳曰：「少待。豈可學他？」王至愧甚。曰：「吾自知氣質

浮躁。不及陳公遠矣。」

言行錄纂

為吏者固識大體。樂於有事。每因文移禮貌間。小有不平。輒聳動長官。展轉報復。及至嫌怨日積。傷僚友之和。誤國家之事。吏獨何所利於其間哉。觀二公之度量宏遠。以德服人。為吏者亦可以與然矣。

蘇渙知衡州時。耒陽民為盜所殺。而盜不獲。尉執一人指為盜。渙察而疑之。問所從得。曰：「弓手見血衣草中。呼其儕視之。得某人以獻。」渙曰：「弓手見血衣。當自反之。以為功。尚何呼它人？」此必姦。訊之而服。斷獄龜鑑

奸徒作事。瞞人。未有不。自取敗露者。况人命乎。以手殺人。棄其血衣。可謂巧於掩飾矣。不知呼僣同視。意在嫁禍。寔已自留破綻也。諺云。若要人不知。除非己莫為。願作弊嫁禍之胥役。常常三復此語。眉山有人竊蘆葍根。而所持及誤中主人。尉幸賞以刼聞獄掾。受賕掠成之。太守將慮囚。囚坐廡下泣涕衣盡溼。參軍程仁霸達過之。知其冤。謂盜曰。汝冤盍自言。吾為直之。盜果稱冤。移獄於公。既直其事。而尉掾爭不已。竟殺盜。公坐逸囚罷歸。不及月。尉掾皆暴卒。後三十餘年。公晝日見盜拜庭下。曰。尉掾未伏待公而決。前此地府欲召公暫對我叩頭爭之。曰。不可以我故驚公。是。以至今。公壽盡今日。我為公荷擔而往。暫即生人天。子孫壽祿朱紫滿門矣。公具以語家。

人沐浴衣冠就寢而卒。後子孫果壽至期頤。累世貴

顯而尉掾之子孫微矣。

東坡題跋

程君一念慈悲。不但得享天年。而且澤派後裔。尉掾有心。蝦蟇非惟死。不旋踵。而且子孫式微。善惡報應彰明較著。若此。聞之當為毛骨悚然。

元符中。宜春尉遣弓手三人買雞豚於村墅。閱四
日不歸。三人妻訴於郡守。守責尉。尉給曰。有盜已得
其窟穴。遣三人往偵。久而不返。是殆斃於賊手。願自
往捕。久之無以復命。適見四鄉民耕於野。從吏持二
萬錢買之。使詐為盜。曰。他日案成。不過受杖數十耳。
四人許諾。遂縛詣縣。送府。黃司理治之。獄成。將擇日
赴市。黃念四人無兇狀。詰得其實。欲出之。郡守不允。

強黃書押四人遂死。越二日有皂衣持挺押縣吏二人追院中。二吏同時四吏暴卒。又數日攝令死。尉亦死。郡守越四十日中風死。一日黃見四囚拜曰。某等枉死。上帝并欲逮公。某等感公意哀求四十九日。始轉許三年。及期黃果見四人復至。遂洞泄血痢而死。

錄監懲

枉殺四人。而官吏之死者倍之。豈不可畏。世之捕役緝盜不獲。往往誣指平民以塞責。而主刑之吏。又從而文致其罪。皆難逃此種冤報也。

陳貫為三司副使。惡一胥狡猾。欲逐之。胥奉事彌謹。歲餘並無壞事。貫亦竟善待之。貫偶宴客。付錢令辦。胥明日携十歲女賣於東華門。揚言曰。陳副使請客。

所需十未付一。今不得已賣此女也。因察結邏者使

聞於內。貫以此罷官。後胥惡死滅門。感應篇注

官知胥之狡猾。因無壞事。不加斥逐。竟善待之。其馭下也。公而厚矣。宴客而發錢令辦。更非違法。操索之事。乃胥無隙可乘。即藉此而中傷官長。誠事出情理之外者也。觀其揚言曰。副使宴客。胥今賣女。最易駭人聽聞。計則巧而心定。陰毒矣。宜其有滅門之禍也。

孫奮為扶風吏。剋取民財。遂至巨富。大將軍聞其富。索白珠十斛。紫金三千兩。不與。坐以叛逆。抄沒貲產。

併逮家口。相繼滅絕。同上

更以巧猾之才。憑官衙之勢。橫行鄉曲。剋剥小民。自謂惟我獨強。不知更有強於彼者。隨其後而鈔奪之。且并其家口而滅絕之。恃入恃出之理。章章如此。諺云。螳螂捕蟬。豈知黃雀在後。可為猛省。章

潤州一監征官與務胥盜官錢。皆藏之胥。官約之曰。

官滿。今以裝我。胥偽諾之。既代去。不與一錢。監征不敢索。悒悒渡楊子。江竟死於維揚。胥得全賄。遂富。告歸。買田宅。是年妻孕。如見監征。褰帷而入。即誕子。甚慧。長喜讀書。使之就學。二十歲登第。胥大喜。盡鬻其產。挈家至京師。其子調官南下。已匱乏。至中途子病。罄所餘。召醫及維揚而死。胥無所歸。旅寓貧索無聊。亦死。可談

監征而盜官錢。此不義之物。務胥獨吞之。以為彼國無可奈何也。迨其人隱忍而死。益喜更無後患。可以安享終身矣。豈知子喪財盡。客死道途。與監征同一結果。吁。可畏哉。

常山吏魁徐信主上真道會。有一道人贈以詩云。一方眼目共推尊。禍福無門却有門。夜半忽傳人一語。

明朝推背受皇恩。徐大刻之石。未幾詹峒作梗。諉其

罪於徐。夜半省劄下。竟伏極刑。

癸未

吏而曰魁。其志肆橫。行可知。一旦惡貫既盈。身遭奇禍。道人能預示之。而卒不能解免之也。雖陽為奉道。奚益哉。

廬陵法曹吏。嘗劾一僧致死。具獄上州。時妻女在家。方紉縫。忽見二青衣卒。手執文書。自厨中出。謂妻曰。語爾夫。無枉殺僧。遂出門去。妻女皆驚怪。流汗視其門。扃閉如故。吏歸。具言之。吏甚恐。明日將竊其案。已不及矣。竟殺僧。僧死之日。即與吏遇諸塗。吏旬日竟死。

通吉

天地間極惡之事。一有悔心。便可轉移。惟衙門中下筆如山。立案成鐵。縱有懺悔之心。而死者不可

復生。豈能償其誣陷之罪。慎之慎之。

徐文獻公琰。元至元間。為陝西省郎中。有屬路申解。到省誤漏聖字。案吏指為不敬。議欲問罪。公改其牘云。照得來解內。第一行脫去第三字。今將元文隨此發下。可重別申來。時皆稱為厚德長者。錄耕

院司書吏。於各屬申文。凡錢已到者。雖有記謬。必為掩飾。照應不。然。則吹毛索瘢。無所不至。竟有扶官府以不得不駁之勢。吏亦何利而為此哉。計也。遇徐公。則其計窮矣。吏亦何利而為此哉。

周景遠為南臺御史。今治浙省。每日與朋友往復。其書吏不樂。似有舉刺之意。大書壁上曰。御史某日訪某人。某日某人來訪。御史見之。呼謂曰。我嘗又訪某人。汝乃失記何也。第補書之。因復謂曰。人之所以讀

書為士君子者。正欲為五常主張也。使我今日謝絕。故舊是為御史而無一常。寧不為御史。不可滅人理。吏報服而退。同上

書吏舞弊作奸。懼不為官長所容。則窺伺長官陰私。以為挾制。把持之計。奸盜使倆。往往如斯。非必盡出於公也。御史本無所私。故不加譴怒。使之懷慙而退。至於親故往來。官場原不能廢。倘有所干請。則豈能不為謝絕。此又居官者所宜知也。

胡鐸為雲南布政使。庫有羨金數千兩。吏告云。無碍官帑。例得歸公。鐸曰。無碍於官。不有碍於民乎。叱之。

明外史

官衙攫取非義。不曰無碍。則曰舊規。吏胥之弊。動其官。以遂其志。指皆由是。不知財物非從天降。不取於民。於何得之。不碍官則碍民。二語與。貪官汚吏多矣。

王克敬為兩浙鹽運使。温州解鹽犯。以一婦人至。克敬大怒曰。豈有逮婦人行千百里外。與吏卒雜處者。污教甚矣。自今毋逮著為律令。夫人生之禍多矣。刑獄為甚。刑獄之禍慘矣。妻孥為甚。苟能於此存心體察。則捶楚自不妄施。囹圄自無冤繫矣。臣鑑

罪人不挈。法中之仁也。克惡捕快往往以牽及婦女。飽圖詐索。更有私繫而污辱之者。最傷天理。試念已若犯罪。忍令辱及妻子乎。報應非速。衙門中人皆不可不常作是想也。

黃鑑。蘇州衛人。厥父善舞文。起滅詞訟。蕩人產業。為害不少。晚生鑑。登正統壬戌進士。以青年美才。獲寵眷為近侍。蘇人咸曰。父苦事刀筆。而子若此。何天理耶。景泰間。寵渥益甚。後駕自北還。禁錮南宮。及復位。

以舊恩待鑑。陞大理少卿。朝夕召見。無期。一日上御
內閣。露一本角。微風颺之。命取以觀。乃鑑所進禁鋼
疏。上歎曰。不意鑑之奸有是耶。亟召鑑至。擲此本視
之。鑑連呼萬死。伏誅。遂滅族。吁。使鑑寵不及此。何能
報之深耶。典吉錄

大凡巧於害人者。天亦巧以報之。鑑父彝。文害人。而鑑科甲顯仕。似乎便宜。不知鑑之首鼠兩端。即其父彝文之餘智也。自謂巧於固寵。不知卒以此滅族。禍以遲而彌烈。彝文之報。抑何巧耶。

戴月湖南靖人。為書手。與儕假印勾攝害人甚多。後
發覺其儕俱承伏充軍。月湖狡不肯招。止問徒死於
驛中。一子行衢。少年能文。後忽狂醒。窩盜。或告之官。
官初猶不信。鄉里共証之。乃死於獄。無嗣。婦與盜通。

流落街市為乞丐。眾共指其業報云。

同上

詩張為幻。造物最忌。惡利不服。原屬漏網。身雖未滅。卒使其子若婦。墮落火坑。為世訕笑。悲夫。

陳霽巖為楚中督學。初到任。江夏縣送文書千餘角。

書辦先將照詳照驗。分為兩處。公夙聞前道有駭提

文書難以報完者。必乘後道初到時。賄囑吏書從照

驗中混繳。公乃費半日功。將照驗文書逐一親查。中

有一件駭提該吏書者。混入其中。先暗記之。命書辦

細查。戒勿草草。書辦受賄。竟以無弊對。公摘此一件

而質之。重責問罪。草役後照驗文書。更不敢欺。

吏胥慣計。無不於新舊任交代時。乘其隙。因事舞弊。一遇有心人。其弊立見。即或未即查察。而事

久未有不破者。一事偽而百事。皆為可疑。何苦以身試法哉。

施汴廬州人。為營田吏。恃勢奪民田數十頃。其主退
為耕夫。不能自理。數年汴卒。其田主家生一牛。腹有
白毛。方數寸。既長。稍斑駁。不逾年生。施汴二字點畫
無缺。道士邵修嘿親見之。史吉錄

此與貸錢吏之為馬。劉自然之為驢。報應相同。天道昭彰。有債必還。有冤必報。身在此。公門者。當知世間無可佔之便宜也。○鄉前輩。在公門者。當知世間言。灌陽縣有某。被一衙。蠹陰謀。許害。至於妻。賣。田產。均為所有。某猶。蠹。因。圖。中。後。漸。知。蠹。之。為。謀。中。心。飲。恨。常。在。獄。中。數。日。吾。此。生。不。能。報。怨。蠹。亦。垂。老。死。誓。當。變。蛇。入。其。塚。中。吃。其。腦。以。洩。此。忿。耳。獄。卒。問。得。其。故。為。之。惻。然。因。與。蠹。交。好。乃。言。於。蠹。蠹。遂。懊。悔。一。日。持。酒。入。獄。與。某。飲。某。既。積。怒。又。恐。其。設。害。不。敢。近。蠹。再。三。告。以。懊。悔。之。故。且。言。爾。田。地。現。在。願。即。給。還。子。為。代。贖。妻。可。另。娶。某。初。不。之。信。蠹。於。獄。神。前。立。誓。許。為。立。券。獄。卒。從。旁。勸。之。其。怒。氣。頓。舒。遂。彼。此。暢。飲。某。大。醉。而。嘔。有。黑。虫。長。半。寸。其。形。如。蛇。蠹。益。悔。悟。遂。設。法。保。之。出。獄。一

切悲如前終兩人竟保全無害云然則輪正生死雖屬佛家常談而積怨既深累世莫解冤冤相報亦事理之所必至錄中頗採及輪迴之說正以見胥吏作惡積怨之報不於其生前必於其身後耳

秀州書吏陸某有囚當杖受勢家厚賂陰誘官坐重法死囚魂常隨陸不去每陰雨囚輒前立陸曰汝且去我自來不數月嘔血死感實應

原情定罪出入輕重絲毫不可假借自奸吏受勢家厚賂便能增飾情罪使當杖者竟至論死官且為其所用手段可謂高強矣及至冤鬼相隨竟唯其聽命乎日巧猾伎倆至此獨無所用豈非天奪其魄耶試問所得之錢至今尚能享受否也○臨桂山峽鄉有李某窺鄰人有買猪錢八百文鄰人局門外出李入竊其錢有勿子卧床驚覺李遂殺之携錢逃竄窮日夜行不過二三十里常覺勿子尾其後抵飯店店主具兩人不見次日又行覺滿目昏沉不能遠去自知冤魂不散不得已轉回却眾執以送官一訊立承竟抵罪此非余所親見者然則

冤鬼相隨不去。前立索命。事理之所必有。未可以為幻也。

米信夫。浙西人。為縣吏。柔狡譁捷。里有大家兄弟二人。以父死紛爭。因唆其弟以訟其兄。結合官吏破其家而有之。兄弟抑鬱而死。米繇由是富者二十餘年。至元戊寅。遭謀逆訟。牽連到邑。見吏儼如其弟。抑令招承。罄其貲沒焉。忿而訟吏於府。見府吏儼如其兄。抑令招承。與其妻女子息八人。俱死於獄。迪吉

公門中人。往往遇事生波。樂於興訟。但求飽己之欲。豈知人之傷骨肉。破身家。而已。亦不免於奇禍也。凡見爭構。不行解勸。反拖延不結。故畱訟端者。皆當以此類推。

夏原吉為刑部尚書時。一吏持精微文書請押。因風吹。為墨所污。吏懼。肉袒待罪。公曰。風也。汝何與焉。爾

起次日早朝畢至便殿見帝請罪曰臣昨不謹墨污精微文書上命易之公退吏猶懼甚公於懷中出所

易者吏大感悅配命

墨污精微文書其事似大然畢竟過出無心夏公是以寬之即不遇夏公不免受責亦自無大惡倘若納賄舞文雖事較小夏公亦未必寬也身在公門無心之過原不能無有心之惡切不可有擇禍莫若輕觀過斯知仁為吏者可以知所自處矣

王文成公守仁仕刑曹典提牢廳事往時獄吏相沿取囚飯餘黍豕豕肥則屠之分食先生觀之惻然恚曰夫囚以罪繫者給糧飯之此朝廷好生浩蕩恩也若曹乃取以黍豕是率獸食人食矣如朝廷德意何欲督過之羣吏跪伏請寬且諉曰此相沿例也亦堂

卿所知。先生即日白堂。卿堂卿是其議。先生遂令屠

豕。割以分給諸囚。獄吏到今不復豢豕云。

近古錄

陽明先生每以良心提醒人。以飯囚者飯豕。此良心上過不去之事也。推此則尅扣囚糧。自肥身家者。其罪更甚。此心不可一刻安矣。

史桂芳為兩浙運使。於錢糧入不增毫末。出不減毫末。吏曰。從來無此舊規。公曰。有甚舊規。此心不可欺

處。即舊規也。

史公年譜

自來剝民奉上之事。無不以舊規為名。官府有意差別。而吏胥必以舊規為解。故官吏之營私染指。無不從此二字生發也。不問舊規而問此心。其何說之辭。吏至此計亦窮矣。

正德間。陳良謨與同年數人。公車北上。至王家營渡口。陳之家僮與土人爭毆。陳薄責家僮。婉諭土人。座

中一同年某忽怒罵曰。咄。爾何人。敢集多人。上官船行。却反誣我家人毆爾耶。縛而撻之。其人叩頭乞饒。乃放去。在座稱其才能。某亦揚揚得意。語陳曰。兄何迂哉。今之為官者。才能智略耳。天理二字。却用不着。陳憮然不答。某後為紹興推官。以浮躁削職。疽發背死。配命錄

此人所為。即訟棍伎倆也。今之託身胥吏者。往往類此。且謂不如此。則與鄉愚等。不見衙門手。良善何以安生耶。

嘉靖間。錢塘陸姓為郡吏。毛經歷愛重之。陸有女。經歷有子。約為婚。未幾。經歷提問。落魄歸時。欲娶女。以行。而陸妻變計。覓他女代之。經歷不知也。既歸。而其

子學日進。取科第。官至操江都院。移檄郡中。取陸陸
驚喜且懼。及至。操都偶他出。先入見夫人。夫人曰。我
父切莫提前事。陸惶恐曰。何敢言。全賴夫人看顧也。
操院歸。禮意甚渥。贈三百金送回。且曰。後尚有所遺。
歸而陸之親女至。陸對所饋金。潛然淚下曰。悲汝命
薄耳。女亦悲不自勝。鬱鬱而亡。陸亦繼亡。後有復來
贈金者。竟以無人而返。夫興衰靡定。豈可遽以眼前
論人。方陸易女時。為避其衰。孰知乃避其興乎。言行
經歷。命官也。而與郡吏聯姻。其於郡吏。亦云厚矣。
孰知郡吏高欲負之。則此吏平昔之貪財勢而忘
道義。已發可見。其父欺心。其女自
然薄命。即理即數。萬事都如此也。

孫一謙為南部司獄。舊例重囚米日一升。率為獄卒

攘去。又散時強弱不均。至有不得食者。囚初入獄。獄卒驅穢地。索錢不得。不與燥地。不通飲食。一謙嚴禁之。自定一秤。秤米計飯。日以郊已時。持秤按籍。以次分給。其食甚均。見囚衣敝。時為澣補。獄卒無敢橫索

一錢者。

臣錄鑑

銀鑄奸狴間。何等慘況。不加矜恤。而後刻削為利。肆其欺陵。殘忍枉矣。孫君一一經理。速使地獄化為天堂。彼禁卒因此不能橫索一錢。似乎失却便益。少造許多罪孽。其得便益也多矣。

萬歷間。一馮姓者。為選司胥役。以奸弊得重賄。為大冢宰所知。叅送刑部究擬。時選君以體面不雅。思力救之。馮猶未知。乃私自籌曰。必牽引本官。則問官有所碍。而大冢宰亦不得不從寬。乃供曰。賄所以進選。

君某不過說事過錢人也。問官疑或有此以語選君。

選君怒令從公嚴鞠之。幣賄果馮自得妄扯本官以

圖脫漏也。竟擬重刑。感應篇注

馮吏牽引本官使鞠者投鼠忌器有不得不寬之勢計亦巧矣乃反增其罪竟擬重刑非有鬼神顛倒其間由其良心已壞自入陷阱也吏苟事事不可生之機耳。

永福縣吏薛某專工嚇詐虛捏狀詞能飾無理為有

理以此致富一日延道士鄭法林醮鄭伏而起曰上

帝批家付火司人付水司已而家產罄燼薛渡江溺

死子以盜敗女為娼感應事實

上於嚇詐又能飾無理為有理其人心思必巧矣筆尚通者也乃不用以彰明公道而用於詐捏狀

詞才足濟惡。遂致上下天怒。備極慘報。向使其天資愚魯。或不究胥吏。其積惡召禍。當不至如是之甚也。故吏之聰明有才者。尤不可以不慎。

池州郃道克郡皂隸。索取財物。滿意則喜。不滿意則拳毆之。官命行杖。極力施刑。斃杖下者不可勝數。後得異病。手足窘束。遍體腫決。如板痕糜爛。痛不可言。因自呼曰。善惡終有報。橋南看郃道。卒至皮肉俱盡。僅餘骨在。人生必讀書

衙門行杖之皂隸。視杖下之血肉淋漓。幾同土石。若非自遭異病。通體糜爛。不足以動其痛楚之心。天以此顯報。即以此示警也。惜乎悔已晚矣。

沙縣舊官樊政。立宰牛稅。壽州進士方震孺為沙縣令。吏某以此銀進。方問故吏曰。每殺一牛。入稅若干。

總計所得稅歲不下千金方慙然曰吾何以千萬物
命換千金稅耶吏復以衙門成例已久去此則宰牛
無所稽考不便更張為言方怒將吏重杖并下令永
禁如律久之牙僧以牛病且死告方勿與深求第令
埋之由是沙之牛得全活者甚多同上

衙門有一種陋規即吏胥有一種染指遇有慾之
官則以本衙出息為言遇無慾之官則又以不便
更張為言其寔無非為自己染指起見舊官設此
皆若輩慙惑成之此所以謂之猾吏也夫民間宰
牛官不查禁反欲收稅名曰稽查實為之主持令
其肆殺耳杖其吏而革其稅猾吏之計無可施矣
章該居宅弘麗因缺用典張吏金張厚遺牙僧換作
絕券後該益窘請求絕出券視之乃已絕矣有牙僧
押証該仰天歎息張父子同日失音死感應

張為吏書。傳作絕券。押証分明。是以章諒有口不能不辨。但飲恨於心而已。而吏之父子同日失音而死。其欲言而不能與含冤者無異。天之示警。何其深切哉。

徐某富而狡。心涎一里隣房屋。隣饒不肯售。乃令人誘其子賭蕩。遂至傾家。竟鬻屋於徐。後三子五孫俱病。夢其祖告曰。比隣某為祟也。徐懼。向城隍禳。有一丐者立廟中大言曰。夜間殿旁見有人訴徐某誘其子蕩產。丐者亦不知設醮即徐某也。徐聞益懼。歸而

暴卒。

同上。

所欲圖者屋也。與其人原無仇怨。乃因其家富饒。遂誘其子賭蕩。使有不得不鬻之勢。及屋已售。而其家蕩然無餘。父子不能相保。可知矣。此與估房屋而無害於人者不同。故其獲報。至於孫某身亦暴亡。此種陰險。豈祈禳可免耶。愚亦甚矣。吏之因事陷害。破人身家。大抵如此。

青浦郊外有一貧民賣得布銀二兩四錢中路遺失被同行一金姓拾得金姓為青浦縣差貧民苦求不還金反以催糧銀在身為名將貧民毒毆貧民失銀闔家生計無出徑往城隍廟哭訴神前其夜金姓隣人俱聞金家有鎖鍊聲明晨金不啟門隣人視之金已跪倒床下死矣原銀猶在床側也丹桂

俗金不還人情多有惟其身為縣差可以催糧銀為名遂爾肆其毒毆謂非此無以見縣差之威豈知適所以厚其毒而速之死耶噫二兩四錢為數有眼而在貧民已為一家性命所關失而受毆不敢訴官而哭訴神前情迫極矣試觀匍匐公庭者類多奇窮極苦之人我以為所得無幾而已絕貧民一家生計者豈少耶

廣東小吏丁宗臣賦性刻薄見人貧窮則非誚之見

人急難更傾陷之。生平所為毫無善行可稱。五子一
聾。一跛。一瞎。一癱。一兩手反背。飲食需人。親戚朋友
見宗臣皆以為不祥。不與為禮。晚年罷職。益困悴。乞
丐而死。配命錄

此種性行。在鄉里愚民。尚足為害。身充小吏。尤易肆惡。五子皆殘疾。何相報之顯而速也。今官衙中與此一行徑之胥役。恐亦不少。烏得與之一說此等報應。以警其後也。

有一鄉愚。誤買賊衣。被捕擒獲。帶至古廟。弔打備施
哀告曰。我實不是賊。現有城中某係我至戚。喚來可
問也。捕喚某識認某見賊情。恐有連累。堅不認親鄉
愚被拷而死。某至家。即見披髮流血之鬼。呼號索命。
曰。爾吝一言。見死不救。爾豈能免乎。我已告准閻羅

與諸捕共質地。丁亥。某基卒。

同

止於。累。不肯。利。救。耳。為。此。山。遭。害。即。目。去。定。命。之。禍。速。而。且。慘。也。彼。惡。拂。若。手。斃。良。民。其。刑。禍。不。更。及。于。孫。不。止。

湖廣盛某為縣刑吏。素性險惡。人號黑心。家富。欲造堂樓。苦地窄。與隣張姓言。不允。盛密令大盜扳張。張不能辯。而死於獄。妻竟以地售之。樓成。得一子。六歲。尚不能言。一日盛在樓中。其子匍匐而至。盛曰。吾為子孫計。故設此謀。今爾如此。愚蠢奈何。其子忽厲聲作色曰。爾何苦如此。吾非張某耶。爾以無辜殺我。謀我之地。我來此。正圖報耳。盛大驚倒地。七孔流血而死。其子費盡財產。亦死。

丹桂籍

在...千金...
土...
...

身在官衙。執掌刑獄。唆盜。掠人。何啻順風之呼。未幾而。被誣者。以死。佔地。既得。樓。亦遂成。就。目前。而論。可謂求得謀。遂。豈知其所以。藉之者。即在。膝前。之。子也。世之豪猾。致富。而其子。蕩費。不能守者。焉知。非。儻人。之。索債。耶。

祝期生有口才。專一顛倒是非。尤好言人短處。雖端人正士。亦曲加詆毀。必敗其名。而後已。晚年忽病。舌黃。發時。必須刀刺。血出升餘。乃止。一歲常發五六次。哀號痛苦。寢食俱廢。血枯而死。葬後。尸為羣犬所食。

配命

有口才。而顛倒是非。好言人短。詆毀正人。至自刺其舌。血枯而死。相報亦云巧矣。可畏哉。

山東莒城馬長史。自恃有才。作惡多端。一日。有星隕於其家。光彩燁然。久之。乃變為石。自是無日無此。儼

口舌疾病等事。逾年長史歿。家人離散。房產積蓄。蕩然一空。其石周圍數尺。色微紫。有紋如字。至今尚存。

上同

有濟惡之才。而又身為長史。故能作惡多端。星隕化石。乖氣致異。不祥孰甚焉。

宜興染坊孀婦陳氏。有姿容。木商洪敬誘餌百端。終不可犯。夜將數木擲其家。明日以盜聞於官。又賄胥吏。繫累窘辱。以冀其從。婦家焚香慟訴。未幾商入山。販木叢柯中。突出黑虎。嚙商死。上同

此何等事也。亦肯受賄。為其官辱。是公門胥吏。無不可要之錢也。欲以長養子孫。斷無此理。

張奉素習刀筆。尤工剥民之術。凡官長至。輒教之虐。取民財。官有其三。七歸於已。巡按唐公捕之。以計逃。

去時四野無雲忽為暴雷擊死五臟如剗月桂

胥吏剥民之術惟願官之多德而尚刻一甲其計

予取予求無不如志矣上司縱有訪聞官必巧為

掩護黠吏之藏身甚固也抑知

王法可逃天誅必不能貸乎

歸安陸居貞隅令江右大庾庾有府吏寵於太守其

父曾充隸前令竟延作鄉飲介賓公至召隸且令穿

鄉飲巾服來至剥其中服入庫嘗二十遣之此時太

守尚在郡也自是郡邑鄉飲嚴肅不敢濫赴近古

盛典典濫邀求榮反辱即使官長姑容難免鄉閭取

笑何如力行善事積福於子孫將不求榮而榮自

至有過於

巾服者歟

金忠於人有片善必稱之雖素與公異者其人有他

善未嘗不稱也一里人為吏數窘辱公及公為尚書

其人以吏滿來京師。懼不為容。公薦用之。或曰。彼不與公有憾乎。曰。顧其才可用。奈何以私故掩人之長。

言行

金公之公而且厚如此。平時決無非理過情之舉。為吏者奈何輕窘辱之也。大抵吏胥狐鼠威感。不為貴賤善惡。禁以盛氣凌人。視為地位固然。怙不知非。不但飲怨非宜。其薄惡亦太甚矣。閱此能不慄然。

保靖州楊太。王周。錢火兒三人。同一駃懦漢。避雨崖下。俄而虎至。前三人共推駃懦漢出。以當虎。不意崖忽崩。虎驚而去。駃懦漢反得免害。而三人俱被壓死。

外桂

衙門中便宜之事。巧猾者踞為己有。至於夢苦之事。駃懦者當之。而巧猾者最善狡脫。然利即害之。

所伏。究竟巧猾之得禍。更甚於駭懦。避虎之喻。何其切也。

建州吏林達。屢侵人所有。里中有葬父者。築墳一區。風水最吉。達造偽券。稱其父未死。時將此墳賣我。遂以已父遷葬其中。里人爭之不得。葬畢。達夢其父曰。福田在心。不在風水上。安有偽契欺人。奪人所葬。而享福利者。今反因此絕嗣矣。達與閭家俱病死。同

偽契佔地。里人爭之不得。無非以林達倚恃官衙。善於舞弊之故。達方自以為得。非以林達倚恃官衙。能美吏胥之有勢。不知此正厚其毒。以待其自取。絕滅也。向使告爭理屈。不過佔葬不遂而止。何至盜葬者。可以省矣。

盧紘任江南糧道。偶卧病。適屬邑解銀二百四十兩。暫付管糧吏張瑞昌收。隨奉遣他往。比歸。則銀失矣。

詢守宅人。皆謂嘗啟戶而入者張僕吳勤也。獨卧於戶側者曹僕陳美也。付捕快拷訊。俱不承。張訴之於城隍。及南莊五僮。一日同房吏曹璘方伏枕。忽厲聲曰。呼瑞昌來。張至。謂曰。銀是曹璘僕陸賢盜去。欲以授伊父。以百兩置大門內僻處。適璘父出。賢倉皇却走。時有某傭吳茂歇涼戶外。竊窺。乘間挈以歸。詎意非其所有。甫至家。母暴卒。子復痘瘍。未幾茂亦疫死。總以取不義之財。故死亡相繼也。其五十兩一封。被竊見者分散。已不可追。其九十兩今在樓下床底。陸賢盜銀曹璘不知。即張瑞昌失銀。亦因前世欠伊銀一百二十兩。今失去一百五十兩。多三十兩。俱令瑞

出擔承。若再追賠。恐冤冤相報。無已時矣。曹醒不知

所云。衆挾曹歸。索之床下。果然。堂四集

觀此。知取非其有。殃禍立至也。前生欠負。絲毫必償也。人間暖昧之事。官雖不知。神則鑒察也。一事而可以為三戒焉。作吏者以此類推。則欺人之事。弗為。而妄取之心。可息矣。